

مجموعه ابو الخیر

ماسوا شایسته شدن دلی تطهیر چالش
بر تو حکمت و عرفان اهل دور و آتش

هر ماه عربی ابتدا سیله اون بشده نشر اولنور فنون مجموعہ سیدر .

جزو ۳۴ [فی ۱۵ جادی الآخره سنہ ۱۳۰۰] نسخہ سی ۳۳ عروش

غریب شیدر که بکلجی عزت بکک :

«میلز رایت در قامت بالا یرینه

طوغه در رغبت زلف سمنسا یرینه»

مطالعیه بدأ بدن غزلی ادبیات عثمانیه ده مجموعی بش اون پارچه دن عبارت اولان آثار حماسک الک کزیده لرندن ایکن ایچنده یالکز :

«بر پری کوردم آلایده ینه کتدی عقم

اوکیدشدر که کیدر کلدی حالا یرینه»

یتی داخل انتخاب اولمسه او قدر مردانه سوزلر رغبتدن اسقاط ایدلمش! عجبا بوکا سبب او یله قلجدن، شجاعتن بحتک خراباده فتنه نما اوله بتمسندن احترازمیدر؟ [مابعدی کله جک جزوده]

اوزوم

اطلاعات تاریخییه نظراً اوزومک منشأ فی هندستانده واقع [همالایا] جبالیدر.

اوزوم تجارت بحریه جه زمانلرینک انکلیزلی اولان فنیکه لیلرک همتیه الک اول سواحل بحر سفیده و براز صگره یونانستانه نقل اولنمشدر. اوزمانلرجه ایتالیا ایله یونانستان آره سننده مناسبات سیاسییه و تجاریه برکال اولمسندن برمدت صگره ده ایتالیا ده یقشدیرلمشدر. ایمپراطور [نوما پومپیلیوس] دن اول یعنی میلاددن آلتی یدی عصر مقدم روماده اوزوم مجهول ایدی. پلین نام مؤرخک روایتیه کوره رومالیلرک ویردکلری ضیافتلرده شراب یرینه سود ایچیلر ایدی. مشار الیه نوما اوزومدن پک خوشلانغله باجیلغی ترویج ایچون کوتوکلری بودامغی اهالییه بالذات کندیسی تعلیم ایتش وحتی

بو اصولی برقاآدها تعمیم ایچون معبدارده قربان زبح اولندیغی ائشاده ایچیلان شرابک مطلقاً کوتوکلری بودائش باغلرک محصولاتندن اولسنی امر ایشدر .

مجارل [طوقای] نامیهله مشهور اولان شرابلرینی تعصیر ایشدکلی اوزومک کوتوکلرینی اوروپا قطع سته پای انداز تخطی اولدقلری زمان برلکده کتیرمشلردر . زیرا مجارلجه طوقای شرابی اعز مشروبات اولدیغی جهتهله آئسزجه هیچ برجار سیاحتیه چیقهمز ایدی . بوسبله مملکتلرندن حین خروجده هر بر سواری برر اوزوم کوتوکی استصحاب ایدرک نهایت قرار واسکان ایلدکاری اراضیده عندرنده معروف اولان یولده غرس ایشلردر .

فرانسهده دخی ابتدا اوزوم کوتوکلری شمیدیکی [اش] ایالتنده ایمراطور پروبوس امری ایله اوچنجی عصر میلادیده غرس ایدلشدر .

اوزومک بورالده انتشارینه استانبولک بناسندن چوق زمان اول [قالکهدون] یعنی قاضی کوبی اهالیسی وساطت ایشلدر که آناتولینک ایچریلرندن وسوریه طرفلرندن نقل ایشلردر .

یک بش یوز سنه مقدم الک مشهور اوزوم [سزاوین] یعنی قیصریهدن کلیدی . حتی قبریس جزیره سنک الیوم مشهور اولان شرابی دخی بو اوزومک محصولی اولدیغی روایات تاریخیه دندر .

جهانک هیچ برطرفنده امشالی اولمیان چاوش اوزومک بوراده انتشارینه ائمندن دخی معلوم اولدیغی اوزره برچاوش همت ایشلدر که بعد الحج طائفدن کتیرمشلدر . اورالری زیارت ایدنلرک روایتیه نظراً بزم چاوش اوزومنده کی لذت ولطافت موردی اولان طائف اوزو - ملرنده دخی موجود دکل ایش .